



BOSNIA AND HERZEGOVINA
Ministry of Foreign Trade and Economic Relations
Veterinary Office of Bosnia and Herzegovina

Na osnovu člana 21. tačke 2. i člana 84. tačke 1. Zakona o veterinarstvu u Bosni i Hercegovini ("Službeni glasnik BiH", broj 34/02), Ured za veterinarstvo Bosne i Hercegovine donosi

UPUTSTVO

o zabrani uvoza određenih pošiljki radi sprečavanja unosa u Bosnu i Hercegovinu influence ptica

Član 1.

(1) Radi sprečavanja unosa u Bosnu i Hercegovinu influence ptica zabranjuje se uvoz u Bosnu i Hercegovinu i provoz preko područja Bosne i Hercegovine slijedećih vrsta pošiljki:

a) žive peradi, bezgrebenki (kivi, emu, nandu i noj), uzgojene i divlje pernate divljači, uključujući ptice u pratnji njihovih vlasnika (ptice kućni ljubimci);

b) jednodnevne peradi;

c) rasplodnih i konzumnih jaja;

d) sjemena peradi, bezgrebenki i pernate divljači;

e) svježeg i smrznutog mesa peradi, bezgrebenki i pernate divljači;

f) proizvoda od mesa peradi, bezgrebenki i pernate divljači;

g) proizvoda životinjskog porijekla (od ptica) namijenjenih ishrani životinja, za industrijsku upotrebu ili upotrebu u poljoprivredi;

h) netretiranih lovačkih trofeja od bilo kojih ptica i netretirano perje ili dijelovi perja.

a koji su porijeklom iz

- **provincija Mantova, Parma i Verona u Italiji;**

(2) Pored navedenog, zabranjuje se uvoz pošiljki iz tački a) i b) stava (1) ovog člana, koje potiču iz drugih država ako se prije ulaska na teritoriju Bosne i Hercegovine prevoze preko područja navedenih u stavu (1) ovog člana.

Član 2.

Bez obzira na odredbe navedne u članu 1. ovog Uputstva, zabrana se ne odnosi na slijedeće pošiljke:

- a) hermetički zatvorene toplinski obrađene konzerve od mesa peradi i pernate divljači koje su tokom proizvodnje bile podvrgnute obradi sa Fo vrijednosti 3 i više, odnosno trajne konzerve;
- b) proizvodi od jaja koja su prije ili tokom proizvodnje podvrgnuti toplinskoj obradi sušenja u proizvodnji jaja u prahu, pasterizaciji ili sterilizaciji;
- c) toplinski obrađeni proizvodi gdje je za vrijeme obrade postignuta temperatura od najmanje 70°C u središtu proizvoda;
- d) perje ili dijelova perja za koje se na prpratnim dokumentima potvrđuje da su tretirani vrućom parom ili nekom drugom metodom koja osigurava da se tom pošiljkom ne mogu prenijeti patogeni uzročnici.

Član 3.

Ukoliko se zabrana odnosi na cijelu državu, stupanjem na snagu ovog Uputstva, privremeno prestaju važiti sva Rješenja o nepostojanju veterinarsko-zdravstvenih smetnji izdata za uvoz pošiljki roba navedenih u članu 1. ovog Uputstva.

Član 4.


Stupanjem na snagu ovog Uputstva prestaju važiti Uputstvo o zabrani uvoza određenih pošiljki radi sprečavanja unosa u Bosnu i Hercegovinu influence ptica (broj: 02-4-02-2-124-10/17 od 22.06.2017. godine)

Član 5.

Ovo Uputstvo stupa na snagu danom donošenja i vrijedi do donošenja odgovarajuće Odluke Vijeća ministara Bosne i Hercegovine, odnosno do njegovog stavljanja van snage posebnom Odlukom radi prestanka opasnosti od unosa u Bosnu i Hercegovinu influence ptica.

Broj: 02-4-02-2-124-11/17

Datum: 07.08.2017



DIREKTOR

Ljubomir Kalaba, dr vet.med., spec.

Dostaviti:

- Ministarstvo vanjske trgovine i ekonomskih odnosa, Kabinet Ministra
- Svim graničnim veterinarskim inspektoratima
- Odjeljenje za zdravlje i dobrobit životinja;
- Odjeljenje za sigurnost hrane i uslove u objektima;
- Arhiva.